



益公題跋卷之十一

跋汪季路所藏張文潛與彥素帖

朱希真父諱勃元祐紹聖之交為右司諫時張文潛為起居舍人故云同省今國史院有李仁甫編國朝百官公卿表而諫官門逸朱勃姓名以是知闕文多矣淳熙甲辰正月二十五日

又跋季路所藏東坡作王中父哀詞

其後注云謝鯤

事煩檢晉書恐誤用

益公題跋

卷之十一

汲古閣

某幼于武臣張可久家見東坡序六一居士集起草至作于其心害于其政發于其事四句每句上下兩字用筆與全篇濃淡不同似初闕而後填者注孟子又云生于其心害于其事發于其事害于其政一書而文意交錯疑混故當審而用之耳前輩言坡自帥杭後為文用事先令門人檢閱今觀東藁帖則已加詳矣况算年乎况他人乎

跋朝士送王校書通歸台州詩卷

校書君位不滿才能宜有此詩軸卽柝儀曹先友  
記也淳熙甲辰二月中休

跋范文正公五帖

右范文正公五帖四世孫之柔所藏也其前家書  
四通皆遺兄仲溫者以文正集考之嘗歷寧海軍  
節度推官遷太子中舍致仕後一帖字仲儀卽王  
懿敏公也范氏自忠宣公擢第皇祐之初至乾道  
八年而之柔乃復登科中間寥寥蓋百二十四載  
益公題跋

卷之十一

汲古閣

矣世濟其美尚知勉哉淳熙十一年二月六日

跋喻子材樗帖

喻公子材邃于經學敏于詞藝紹興初館閣多俊  
傑視題名可考也乾道壬辰予自小宗伯奉祠過  
無錫子材老矣用兩夫肩輿廷勞于塗議論灑灑  
使人聽之忘倦其謂自天子至庶人皆有朋友三  
代而上每措之父子兄弟之間後世此道殊廢予  
至今紳書之汪季路其外孫也出示公遺墨因題

其後

跋劉器之帖

淳熙七年夏連州守臣頓首上尚書按國史諫議大夫劉安世秉誼據正國之寶臣不幸官未應諡其曾孫孝騫嘗貢本州累援鄒浩蘇軾特諡故事以爲請守臣不敢聞頓首上尚書六月丁酉制曰下禮部下太常太常博士宋之瑞議以慮國忘家曰忠德行不爽曰定易安世之名九月甲戌復上

益公題跋

卷之十一

汲古閣

尚書丞相臣雄叅知政事臣某奏臨安行宮制曰可明年考功郎章森覆諡議同十二月戊申始請有司告其第于是天子旌嘉遺直之德意忠定公死而不朽之令名暴白于天下孝騫念祖之志伸矣他日出公二手帖泣而言曰曾祖在竄斥中母亾子夭患難極矣而應之猶能踰嶺迎奠今正論旣伸褒錫美諡而先父往歲貶死于連未克歸葬乃無哀王孫者某聞而憐之爲孝騫言孔君嚴節

度嶺海人士落南不能歸與流徙之胄百餘族咸受其賜今廣帥采若轉運會叔提舉廷玉暨連守昌君皆尚友古人樂善無厭第持二帖造焉必將念元祐之故家賡唐賢之惠政孝騫其何慮十二年八月十日

跋尤延之家藏蘇子美四時歌真蹟

同時則妒賢嫉能與世乃哀窮悼屈古今殆一律也使劉元瑜輩見子美詞翰于百年之後則所謂益公題跋

卷之十一

汲古閣

一綱之舉安知不轉爲十襲之藏乎淳熙甲辰十二月三日

跋喻仲遷所藏蘇黃門翰林詔草

答韓儀公  
辭免同知

院  
詔

國朝內制非一種吏具檢往往列舊作于前今猶如此私號屏風兒某頃跋汪氏所藏王歧公謝承旨學士表及陶翰林依本胡盧之語正謂是也按元豐雜壓同知密院雖在丞轄之下然二府迭居

固不計此韓儀公實自左丞除授豈應取序進加等之文以爲式吏輩刻舟記劍當發蘇公之一笑淳熙甲辰十二月中澣

跋蘇氏藏太宗御書及謝表

臣嘗觀叅知政事易簡之子耆續翰林志載其父旣具狀謝宸翰之賜仍面奏辭字從舌乃是正文并檢虞世南著辭字進呈太宗皇帝大悅曰非卿博識朕已爲誤矣蘇氏寶藏此軸垂二百年而臣益公題跋

卷之十一

汲古閣

始得寓目謹錄其事附卷末使來者有考焉甲辰十二月二十二日

跋嚴汝翼所藏張丞相詩

詩律清遠有樂道憂世之心筆法妍楷無震矜怠墮之容觀此則忠獻公氣象略可見矣嚴君旣親薰而炙之宜爲佳士今改秩宰茶陵足行所學尚其強旃某亦公年家子也故敢附名卷末淳熙乙

巳二月上澣

跋東坡代張文定公上書

東坡代張文定公上書蓋熙寧十年也其後爲公墓碑明載老臣死見先帝有以藉口之語然則書雖成于坡手而意指必出于公不然何其危言至是耶神廟時可謂邦有道矣此藁比集中減數句改數字當以集爲正真蹟今藏會稽韓氏而同郡石氏安摹刻之淳熙十二年二月清明節

跋蔣穎叔樞府日記

益公題跋

卷之十一  
六

汲古閣

蔣魏公元符三年春自西帥再入翰林四月擢二西樞明年改元嘉國七月升知院事又明年改崇寧十月以觀文知杭州在政府二年有半此其日記也延之所謂度詞者如以祐陵爲乘輿之乘蓋協律令第十卷兩指曾子宣爲淮西豈非以其謫亳祠耶然九域志亳隸淮東不應言西也淳熙十二年九月晦

題陳去非帖

紹興乙亥歲某初仕王畿陳公之子本之爲郎爲  
監家藏手澤甚富每休務輒求觀竟日今踰三十  
年本之之子仁和宰復示此軸前輩翰墨愈久則  
愈可敬而本之墓木已拱又可嘆也淳熙丙午二  
月十三日

題陳去非謝御書等帖

光武中興誅戰不遑啓處然猶投戈講藝息馬論  
道樊準在漢以爲美談矣惟光堯皇帝撥亂于紹  
益公題跋

卷之十一  
七

汲古閣

興之初維時陳公周旋兩制遂踐政地觀此奏藁  
知君臣講藝猶光武也論道細旃之上恨不得而  
聞之淳熙十三年三月十一日

題彭仲衡家東坡書黃庭內景經石刻

集古錄有黃庭經二篇不著書人姓名其字亦止  
于不俗亦爲六一先生所取而殿中丞裴造好古  
君子之名遂得附見今武岡主簿彭銓仲衡收黃  
庭內景石刻蓋東坡書重以穎濱山谷之詩李龍

眠之畫視集古所錄自當過之謂好古君子固應  
無歉于裴獨鄙言不足行遠爲可愧耳淳熙丙午  
四月二十日

題劉丞相沆拜相制

一紀之間三題此告歲月逾邁而功業無聞愧嘆  
久之淳熙十三年五月十七日

題劉丞相沆追封充公制

右元豐三年劉丞相追封充公制典重簡蔚字畫

益公題跋

卷之十一  
八

汲古閣

綾紙皆渾厚亦可想當時氣象矣初至和中公與  
文富竝相王文安爲參貳嘗同議立儲逮元豐衰  
典之行文富皆在獨公已薨魏泰東軒筆錄所載  
歲月位序存亾皆差謬小說固難信也淳熙丙午  
五月十七日

題富鄭公與劉丞相沆書

廬陵劉公至和二年實在相位富文忠公書蓋是  
歲正月者方以觀文守河陽二月卽拜宣徽使判

并門遂與劉公竝位當時謂公素厚文忠力破朋黨之說致仁祖信任不疑今觀書詞信而有証偶非親筆但書名耳淳熙丙午五月十八日

跋臨江軍廖節婦碑

臨江廖節婦以死衛姑不辱于賊郡人戶知之二千石屢以狀上尚書輒復報聞其子士元懇請不已迄未獲旌嘉之命蓋國家凡肆大青必曰義夫節婦孝子順孫長吏常切存恤事狀顯著具名以

益公題跋

卷之十一

汲古閣

聞又曰忠臣孝子墳墓所在州縣量加封護曾被旌表依式重立由前之說專主生存故死節如廖有所不及由後之說雖主于死然止于忠臣孝子故節婦復在所遺此有司具赦條時以例相承未之思耳他日能詳著之廖必預褒典而士元之志庶其伸乎淳熙丙午五月辛巳

跋鄭景望詩卷

言學道者薄詞章近世則然景望龍圖通經篤行

見謂儒宗而其詩句乃綽有晉唐名勝之遺風胸中所養亦可知矣自其云亾不特永嘉學者深愔之中外士大夫皆愔之而予以舊交同僚猶愔之淳熙十三年十月十日

題宋景文家書

前輩謂文章當如作家書今觀景文公家書皆成文章是固一理也淳熙丁未二月二十三日

題宋元憲公表藁

益公題跋

卷之十一

汲古閣

元憲公表藁辭理精粹真行粲然今蓋百五十餘年矣明窗三復如見其人淳熙十四年二月廿二日

題洪景盧所藏玉摩詰山水

自崇寧興畫學名筆間出有賜紫待詔高克明者頗得摩詰用筆意當時甚重之今已不易致况唐朝真蹟乎淳熙丁未八月八日過史院翰林洪公景盧出示此軸輒記其後

跋韓子蒼詩送劉童子歸廬陵

劉童子七歲能誦書部使者聞諸朝既至京師  
會夏制不果試其歸也以二小詩送之

七歲瀾翻數萬言飢鷹引子望騰騫時平不用  
甘羅葦寂寞提書歸故園

不作西京童子郎時人已自識黃香還家夏誦  
五千卷十八重來詣太常

廬陵劉童子眷宇秀發音吐琅然試六經語孟左

益公題跋

卷之十一  
十一

汲古閣

氏傳于太學覆試于中書其誦如流此外猶記他  
文數萬言緣夏制不復盡試才免文解而歸乃父  
求詩送行屬經堯喪言不能文姑錄韓子蒼二絕  
句以示之尚有咏于卒章淳熙丁未十二月旦某

書

題向薌林家所藏山谷書南華玉篇

黃庭外景一篇世傳魏晉時道家者流所作自王  
逸少以來高人勝士皆善書之此三十六篇乃其

義疏名曰內景蓋養生之樞要也薊林居士藏山  
谷先生所書有年數矣其孫士虎遠以相示筆勢  
秀傑何待稱贊惟所用字校光堯皇帝賜寧壽觀  
本差殊頗多如首句虛皇尊今作虛皇前末句此  
其文今作此真文當以御書本爲正淳熙十五年  
二月旦日

題汪逵季路所藏墨蹟三軸

右東坡祭范蜀公文藁所獲皆賢俊所作燦如長

益公題跋

卷之十一  
十二

汲古閣

庚誰復舉之蓋種自應穫旣喻求賢孰若得字之  
廣大也前已用今如晨星不必又云燦如長庚改  
用燦焉則語健而意足以舉爲似大率類此學者  
因前輩著述而觀其所改定思過半矣淳熙戊申  
三月壬寅東里周某敬觀于大廟之齋廬李西臺  
吾家膳部石曼卿鍾離景伯皆中原以書名者朱  
希真尹彥明又皆南渡名勝季路藏此帖可謂好

事矣

題蘇季真家所藏東坡墨蹟

陸宣公爲忠州別駕避諱不著書又以地多瘴厲抄集驗方五十卷寓愛人利物之心文忠蘇公手書藥法亦在瓊州別駕時其用意一也淳熙戊申三月十七日

元祐六年夏坡公旣作聰聞復字序後三年春在定武復和其見寄詩有前生同社之語又後七年當靖國辛巳蓋公夢奠歲也猶贈詩僧道通詩云

益公題跋

卷之十一  
十三

汲古閣

雄豪妙句苦而腴秘有琴聰與密殊其愛之重之如此淳熙戊申三月與洪景盧同以永思陵使事畱秦寧寺獲觀

文忠公在翰林兩因答臣僚辭免有所論奏其乞許安壽辭轉官見內制集當時真蹟未知存否茲其一也蘇氏宜世寶之淳熙戊申四月六日東里周某書而歸之公元孫朴

題王樂道帖

右王文恪公與許州屬吏帖五世孫佐之出以相  
示且曰祕閣有公文集三十卷惟奏議散逸不存  
予告之公事仁宗爲臺諫事神宗爲中丞其論奏  
甚多國史本傳已載大略當是時雖有名臣比肩  
于朝然是非元不相掩如劾陳升之則及史昭賜  
之兄言郭遠則云文彥博之走吏范仲淹之弄兒  
又謂韓魏公久專國政君弱臣強乞行罷退一夕  
疏吳長文之罪至數千言皆見于司馬溫公治平  
益公題跋

卷之十一  
十四

汲古閣

齋記欲不焚藁得乎佐之因請題其後淳熙十五  
年四月八日

題范太史家所藏帖

儒者病乎寡要實錄牽于多愛自太史公已然况  
餘人乎睂山李仁甫謂近則事詳遠則略不當以  
繁省論文其言美矣故續通鑑長編多採近世士  
大夫所著如曾子宣日記之偏王安國甲申錄之  
妄咸有取焉若得如范公者相與商度而斧藻之

又善之善也淳熙戊申十月十八日

右嘉祐六年春知舉翰林王公范公中丞王公貢  
闈唱酬一卷幅紙聯書則物無費隨手塗改則情  
甚真其至于宮商相宣金石諧和覽者自可玩味  
于詞翰之表

太史公有云假令晏子而在余雖爲之執鞭所欣  
慕焉近時張浮休題諸公與尹師魯帖乃謂假使  
皆無恙安得比肩踵門而過我夫賢者可從而不  
益公題跋

卷之十一  
十五

汲古閣

可致太史公之言蓋竊有取而未敢以芝叟爲然  
也

跋向氏邵康節手寫陶靖節詩

康節先生蘊先天經世之學顧獨手抄靖節詩集  
是豈專取詞章哉蓋慕其知道也宣和末臨漢曾  
絃謂舊本續山海經詩形天無千歲當作刑天舞  
干戚某初喜其援証甚明已而再味前篇專咏夸  
父事篇次篇亦當專咏精衛不應旁及他獸今觀

康節只從舊本則絃言似未可憑矣開歲條五十  
或作五日近歲初覺謂五十則與辛丑不合今康  
節直作五日尙何疑焉淳熙已酉重明節舟次臨  
江薌林向公之孫士虎出觀因表而出之

跋臨江守潘燾所收蔡君謨寫韓文三箴

蔡忠惠公書爲本朝第一蘇文忠公言之矣誰敢  
改評至于因筆之正而知公心之正不在此三箴  
乎淳熙已酉重明節

益公題跋

卷之十一  
十六

汲古閣

跋彭惟孝永志堂記

夫子之門升堂入室者衆矣隱居求志猶云未見  
其人蓋非伯夷叔齊莫能當也太和彭氏築堂而  
是之名以似以續今三世矣至于孝求無念爾祖  
聿修厥德復形于名字之間則其求之也其惟與  
乎人之求之也與淳熙已酉十二月二十日

跋呂居仁帖

紫薇舍人呂十一丈在政和初春秋鼎盛且方崇

尚王氏學以蘇黃爲異端而手書立身爲學作文之法乃如此其師友淵源固有所自而特立獨行之操誰能及之近世謂以詩名家是始見其善者幾耶嗣孫祖平力紹家學遠示此軸歎仰之餘輒附名于後充之老人姓唐韓廣仁丞國諱枋蓋真宗朝參政安仁之後仲長之子也紹熙元年正月二十五日

跋臨江軍任詔盤園高風堂記

益公題跋

卷之十一  
十七

汲古閣

清江江西一支郡耳而士大夫未至者必問向氏薌林如何任氏盤園如何其至則未有不朝薌林而夕盤園也夫園林勝槩所在不乏何獨二氏擅名如此非以其人之可貴歟惟向公伯芑早從前輩游旋受知高廟周旋中外事業顯著薌林泛宅又形宸翰盛年掛冠而歸迄備洪範之五福其可貴固宜任侯子嚴出于名家少年已負雋聲下筆輒數百言涖官所至辦治蓋嘗親炙向公不但慕

藺相如于後世也惟其才高志大不肯少下人是以屢起屢仆在官之日少閒居之日多劍藏智略盡力斯園殆與薌林爲鴻雁行數上書致其仕子頃在榻前明言其才願勿聽所請仍畀祠祿待他日之用天子然之而侯必欲希蹤向公懇請弗已後二年竟伸其志是可貴也郡人南安太守章君茂獻嘗作高風堂記誦侯之美識者韙之予自念知侯久而疇咎薦進不力是一可愧叨塵過分未

益公題跋

卷之十一  
十八

汲古閣

能如侯之納祿是二可愧四十年間往來不可計而才蕪思涸曾無一語形容園中之勝發揚主人之善是三可愧因茂獻之記姑自志其過云紹熙改元二月既望

跋李次山雪溪漁社圖

唐元結字次山嘗家樊上與衆漁者爲鄰帶笭箬而歌歎乃自號聲叟今河陽李君名元名也字元字也卜築雪溪又號漁社其善學柳下惠者耶始

乾道間予官中都君以先世之契數攜此圖求跋  
自念身游東華塵土中欲爲西塞溪山下語難矣  
屬者奉祠歸廬陵所居在城東隅去江無五十步  
洲名白鷺橫陳其前日以扁舟賃綠葦間鷗鳥相  
從百往而不止雖未敢竊比張志和亦庶幾乎元  
次山矣而君方以尚書郎奉使全蜀凡六十一郡  
之官吏數十萬之將士莫不斂板受約束銜枚聽  
號令猶念舊社不置萬里遣書與圖偕來督踐前  
益公題跋

卷之十一  
十九

汲古閣

約予欲遽數忘機之樂則君權任如此顧豈招隱  
時耶須君他日奉計甘泉厭直承明尚寄聲于我  
當有以告君今未可也姑題卷軸歸之紹熙元年  
三月三日適逢丁巳青原野夫周某

題周噩兄弟閭立本樂治圖

圖畫見聞志叙古名筆最後有唐陸滉堯民鼓腹  
圖殆此類歟紹熙改元五月晦周某觀

又題款塞圖

周武王時四夷咸賓史官集其事爲王會圖至唐  
正觀三年東蠻入朝顏師古亦請繪蠻夷之在邸  
者以彰懷遠之德太宗令閻立本爲之此豈唐人  
遺筆乎何意象之古也

題養正堂記并魯侯帖

右冀州養正堂記并與魯侯帖山谷爲北京教授  
時所作年方三十有五自云比平時書札似差老  
勁明年調太和宰秋江歸南真積力久詞翰又非  
益公題跋

卷之十一  
二十一

汲古閣

前比所謂九萬里風斯下矣紹熙元年五月晦周  
某觀于宗人虞卿兄弟家

跋倪求已所作鄒時飛行狀

鄒彥明之死其子時飛得內相洪景盧爲之銘時  
飛死其子奎求鄉人倪丞狀其行實又將謁銘于  
他邦子告之曰漢許劭兄弟俱有高名好共覈論  
鄉黨人物每月輒更品題故汝南俗有月旦評夫  
人善惡惟鄉評不可掩爾家再世爲盧溪誠齋諸

偏先所與未嘗改評則其是非可考矣矧倪丞甚文而賢乃父必賴以傳奚必他求哉奎曰然請歸而刻諸阡紹熙元年

跋王民瞻楊廷秀與安福彭雄飛詩

盧溪王公主廬陵文盟者六十年繼之者今誠齋楊監廷秀也觀二公品題彭君如此則其學問文采可知矣袖書過我欲默不可謂爲祝辭附名于左惟盧溪年近期頤而筆不衰予祝雲翔他日與益公題跋

卷之十一  
二十一

汲古閣

之齊誠齋仕都顯美而進未止予祝雲翔他日踵其趾豈特毋負二公之言亦庶幾鄉里斯文之得其傳乎紹熙改元

跋永和歐陽樗叟銘

歐陽樗叟一鄉之善士始予登第叟不以儒先臨我贈我以詩今四十年叟之墓木已拱而其子若孫復與予游皆謹厚好學不忘秋蘭菌芝之家訓叟爲不亾矣讀胡忠簡公所述銘文不勝懷人念

舊之嘆紹熙改元八月十三日

記己酉杭州鄭樞密事

己酉四月七日新除端明殿學士同簽書樞密院事鄭慤劄子奏臣自陛下退處別宮日夕憂憤計無所出謂必藉外兵方可圖復兼義不當居職欲得以罪去卽北走平江金陵見張浚呂頤浩與議事累章待罪蒙太后降詔不允莫遂所請十日忽蒙宸旨除臣御史中丞臣職在彈擊官邪苗傅等悖逆肆虐擅行殺僇十六日遂具章乞告示傅等便宜軍法只得行于所轄兵卒其餘當聞之朝廷付有司以正典刑又傅等日至都堂與朝廷事臣慮威福之柄下移不敢愛死抗章極言謂朝廷近日差除多出苗傅劉正彥之意而二人更迭出入都堂殆無虛日其所以敢爾者必恃兵之強也王莽之兵非不強昆陽一敗莽卒授首乞告示苗傅等太后不欲

降出臣章疏恐傳等致害于臣及再上殿懇請  
乞降付三省以告示之使苗等知畏縮則足以  
正朝廷之綱紀使其肆橫害及臣身亦死職事  
臣不當避遂降出臣章疏傳等果出怨言謂直  
疑其爲王莽雖懷恨疾然亦少戢兼聞以簽書  
樞密院召呂頤浩以禮部尚書召張浚又分張  
浚之兵以五百人歸陝西及浚不受尚書之命  
浚不肯分所部兵遂謫浚以散官居郴州擢浚

益公題跋

卷之十一  
五十三

汲古閣

以節度知鳳翔臣知皆出傳等奸謀假朝命使  
外無強兵謀臣內生變亂事不可緩遂一章乞  
畱呂頤浩知金陵一章言張浚不當謫而求有  
膽氣謹密可共事之人得奉議郎嚮令爲客旅  
徒步如平江見張浚等具言城中之事令嚴兵  
備大張聲勢持重緩進使其自遁無致城中之  
變驚動三宮此爲上策撰杜鵑詩四句親寫令  
攜去執呈諸人以爲信驗詩云杜鵑飛飛無定

栖寄巢生子百鳥依園林花老晝夜啼安得百  
鳥挾以歸取杜甫詩言蜀天子化作杜鵑生子  
百鳥巢之意以杜鵑喻天子以百鳥喻百官言  
內外百官當同心共謀挾天子反帝位以歸宮  
也嚮至平江以詩徧呈張浚呂頤浩劉光世張  
俊莫不嗟嘆至二十六日忽聞宣詔降陛下爲  
元帥降新帝爲監國太后獨坐簾聽政臣具章  
畱百官班同宰執從官上殿論列謂太后聽政  
所以保有宋宗廟社稷今乃使趙氏子孫不得  
居帝位二十日之間降二皇帝使天下無君詔  
書一出則天下貢賦不至必有仗義而起兵者  
蒙太后開納宣諭褒美令臣往都堂商議遂得  
不降詔書于四方漸謀復辟擢臣備員樞府三  
日而陛下復寶位此臣于陛下別處宮之後所  
言所行之事也伏望陛下于萬機之暇特賜睿  
覽則臣無任惶懼之至奉

此可報行

益公題跋

卷之十一  
三十四

汲古閣

右樞密鄭公已酉三月末家問一通尋復辟而上  
此奏四月七日有旨報行距今六十餘年後生往  
往不記其全文金匱大書旣難輒觀龜山誌文亦  
載大略故因公之孫出示此卷備錄奏篇而題其  
後紹熙庚戌八月二十六日

書張欽夫劉文潛焯與蔣邕州書

亾友張欽夫劉文潛皆眼高四海未嘗輕以一字  
許人先後帥桂林聞張邕州遺愛及華夷大書至  
益公題跋

卷之十一  
二十五

汲古閣

數百言推是以考其平生則張安國之銘豈諛墓  
者壽祿不于其身有子而才自宜光顯于世而礪  
也三抑于春官六十未離選調以此知遠方賢能  
阨窮不少矣予嘗在進退人才之地深有愧于斯  
文紹熙元年九月甲子

題與王洋手書

皇江王嘉謨早以經術詞章首鄉舉聲名籍籍晚  
仕州縣止于選調人皆惜之二孫種學績文不忝

乃祖攜予頃歲書帖相通請記于後讀之恍然始  
如隔世芻狗已陳豈應復盛篋衍蕉鹿雖在未知  
其爲彼夢耶紹熙九月二十四日

跋楊忠襄與鄉人羅鏐詩帖

右忠襄楊公與友人羅鏐士廉詩帖各二羅之姪  
孫泌寶藏之予聞楊司業告諸生曰學者所以學  
爲忠與孝也方政和中二公同游太學每以是相  
勉不幸士廉年方三十一死親之喪鄉人推爲孝  
益公題跋

卷之十一  
二十六

汲古閣

子名士胡份兼美實爲之銘厥後忠襄遂死于忠  
國史書之萬世仰之平生取友如此賢矣哉紹熙  
庚戌十月一日

題郭知章告身後

右內翰郭公自玉堂出帥南陽告身一通其曾孫  
積中得于浸漬之餘攜以相示乃亦可謂之名臣  
矣紹聖以來權臣用事居言路者人知其難旣晚  
入黨籍則大略固可考云紹熙元年十一月五日

少保充醴泉觀使益國公周某

書龔史傳後

徽宗實錄進于紹興末重脩成書在淳熙之四年龔公一傳微有增損要是後錄爲詳如論郝隨鄧洵武前皆略之比歲所進四朝國史列傳蓋取諸此初乾道中公曾孫熙正嘗請中書舍人張君孝祥書舊傳刻之石今復俾某題其後乃錄新傳以遺之惟公學術豈晚生所敢輕議至于守道不阿

益公題跋

卷之十一  
三十七

汲古閣

尚可推考方王荆公不喜春秋公則詳爲之傳知非苟從王氏者迨元祐初司馬文正力闢王說公乃反復申辯不爲少屈文正雖有習氣之語不害其爲實也厥後哲宗疑元祐大臣出公于外而公奏陳之意猶前日所以對文正也二三十年間士大夫徇時向背者多公獨始卒如此是宜入主信之學者尊之勁正如鄒忠公序公易傳至謂其說可與易偕行不朽而以門人自名則公學術可知

矣公父諱大同號括蒼名士子若孫立身涖官皆不苟至頤正博通史學嫻于辭章諸公交薦于朝天子特命以官今居姑蘇閉戶著書近世言儒門者推龔氏云紹熙庚戌十一月十三日

題郭彥逢庚午解牒并易辨說

紹興庚午廬陵郡秋試數千人預貢者六十有一郭君彥逢名在第五又魁易之一經其才學可知已時君年過五十不復西笑故解牒猶在其孫特

益公題跋

卷之十一  
二十八

汲古閣

起同文藁襲藏惟謹復著易辨十篇自乾卦至繫辭皆爲訓說誦予咎同升攜以相示追惟四十年間所謂六十餘人存者殆若晨星其子若孫能以一經傳家如郭氏者鮮矣予聞萬安爲邑在熙寧五年今將兩甲子英才項背相望策第太常何爲寥寂念爾祖而破天荒不在此時乎尚勉之哉紹熙庚戌十二月十二日

記李太白廬山詩

我本楚狂人鳳歌笑孔丘手持綠玉板朝別黃  
鶴樓五岳尋仙不辭遠一生好入名山遊廬山  
秀出南斗傍屏風九疊雲錦張影落明湖青黛  
光金闕前開二峰長銀河倒掛三石梁香爐瀑  
布遙相望迴崖沓嶂凌蒼蒼翠影紅霞映朝日  
鳥飛不到吳天長登高壯觀天地間大江茫茫  
去不還黃雲萬里動風色白波九道流雪山好  
爲廬山謠興因廬山發閒窺石鏡清我心綠蘿  
開處懸明月早服還丹無世情琴心三疊道初  
成遙見仙人彩雲裏手把芙蓉朝玉京先期汗  
漫九垓上願接盧敖遊太清

益公題跋

卷之十一  
二十九

汲古閣

廬山之南有尋真冲虛觀古名詠真道書真誥述  
三十六洞天而詠真爲第八七十二福地廬山爲  
元辰福地是觀卽詠真洞天五老峰正在其後唐  
正元間女冠蔡尋真居之因以名觀後有白龍潭  
飛瀑注焉舊史云漢武帝過九江築羽章館于屏

風疊下臨相思澗今五老一峰疊石如屏障蓋其  
故地潭上有綠淨亭

右見熙寧中陳令舉賢良廬山記乾道丁亥十月  
己未予來遊宿焉明日登採訪使者閣望疊石峰  
僅在百步間相連卽獅子峰石山無草木曉日下  
照宛如赤城奇姿巧勢不可名狀乃取李太白屏  
風九疊雲錦張之句題其牖曰雲錦閣龍潭在觀  
後里許水作琉璃色其中數天正黑知觀湯善翔

益公題跋

卷之十一  
三十

汲古閣

云深數十丈相傳爲洞天之門未知然否潭上有  
靈澤龍祠殆綠淨亭基耶淳熙己酉秋艤舟南康  
略來山南不暇再往惟一至折桂登黃雲觀而歸  
回首舊游垂二紀矣明年道錄皇甫居中以事來  
廬陵求予書太白詩將刻之觀中欣然許之黃雲  
正倚五老雖晚出然登覽最遠前守朱元晦所創  
其名亦出此詩云紹熙庚戌

跋太和樂南金所藏樂史慈竹詩

慈竹亦名桃枝竹唐王勃喬珎皆嘗爲賦勃云宗  
生枝茂天長地久萬抵爭盤千株競斜如母子之  
鈎帶似閨門之悌友琳謂九族睦叙孝友威儀是  
竹必滋五服相殘骨肉攜離是竹必衰苟自家而  
刑國亦觸類而增思其於摹寫諷諭固已略備又  
得本朝畱臺樂公此詩然懲勸之旨粲然畢陳于  
前凡在士庶自當家傳而人誦之況公苗裔乎刻  
之宜矣紹熙元年九月二日

益公題跋

卷之十一  
三十一

汲古閣

題韓文公黃陵廟碑

孔安國釋書陟方爲升道言簡而意通學者可類  
推也韓文公作黃陵廟碑乃訓陟爲沒蓋疑東南  
卑下宜言下方不當言陟遂以方乃死爲釋此陟  
字其說雖新某竊有疑焉不敢引他經爲證姑以  
伊尹告太甲質之其曰升高必自下陟遠必自邇  
蓋以陟遐爲涉遠也舜自中國南巡非涉遠乎況  
地勢雖下其間自有崇岡峻嶺何害其云陟也大

抵古文簡少一字數義如爾雅以初哉首基肇祖  
元胎俶落權輿爲始故注詩者釋訪落爲謀始可  
謂簡而有據矣然則楚詞餐秋菊之落英其指初  
英無疑或者不思訪落之義直以爲隕落之落遂  
至展轉相譏其失遠矣因文公之說併及之

益公題跋

卷之十一  
三十二

汲古閣

益公題跋卷之十二

跋楊愿與王伯芻詩

愿伏承駒父祕校惠示見和鄙句七言四韻二首降嘆之餘因成二絕往謝幸冀笑覽愿悚恐

再拜

冷官廳事客來稀種綠陰陰結夏帷忽得君詩  
愜人意陶家風到北牕時

只今侍讀周夫子屢說君詩似杜詩速把冠塵

益公題跋

卷之十二

汲古閣

畫彈却玉堂宵直伴王維

愿數見侍讀侍郎周文盛稱駒父詩有句

法故後  
篇及之

同年楊謹仲清江儒宗尤工詩仕雖不遇而門人

登高第歷顯官者相望也年踰七十自吉州教官

奉祠而歸予頃在翰苑得書云東坡直玉堂讀李

端叔詩用伴直難呼孟浩然事詳考新舊唐書王

維傳皆不載曾入翰林況地禁亦非外人可至疑

蘇公自有所據然以今觀之恐無是事蓋諷予不

能引類爾他日復寄聲云古今無詩人監廟予亟  
懇當路以車輅清曹招之謹仲纔拜命卽掛其冠  
後數年乃卒今覽贈王駒父再引維事見及猶前  
書之意也按唐李肇翰林志明皇初改北門學士  
爲翰林待詔張說徐堅張九齡徐安正相繼薦之  
而不及維後又改爲翰林僕奉計一時材藝之士  
畢集其中如維能詩善畫有清名固宜預選新史  
旣採雜說載伴直事于浩然則維傳自不必書矣

益公題跋

卷之十二

汲古閣

謹仲亦善墨戲見予家舊畫草蟲因作八物于後  
至今藏之每想其風度未嘗不悵然也紹熙二年  
二月三日

書韓忠獻王帖

治平四年九月魏忠獻王罷政判鄉郡會經度四  
事十一月改判長安前守天章閣待制王舉元先  
一月徙陝西都轉運使以龍圖閣直學士吳中復  
代之度未至而忠獻實來俄又徙舉元知慶州改

命天章待制孫永漕陝西前一帖與都運待制得  
非舉元或永乎其云欲到驛亭攀送承在朱宅疑  
彼不敢受謁故避于他所王俟暮夜方遣此簡賓  
主之敬然後兩盡後一帖與參政尚書卽趙公叔  
平也未題正月七日而紙背乃邠兵張祐訴牒猶  
稱治平五年者是歲正旦改熙寧元年詔書未到  
耳趙公是月二十三日自禮部尚書參知政事出  
守徐州通問時尚在朝也始予幼年猶見士大夫  
益公題跋

卷之十二

汲古閣

簡尺多起草蓋幅少辭寡初不爲勞稍長頗藏名  
公親帖以此集本所載經刪潤如六一先生書藁  
尤多王晚年名位德業盛矣其于尺牘尚母不敬  
今之後生肯如是乎紹熙二年二月二十八日四  
世孫新全州使君邈來求考訂因爲及近事且以  
成亾友劉子澄之志云

題楊廷秀浩齋記

友人楊廷秀學問文章獨步斯世至于立朝諤諤

知無不言言無不盡要當求之古人真所謂浩然之氣至剛至大以直養而無害塞于天地之間者師友淵源決有自來今讀浩齋記乃知嘗受教于劉公公之賢可知矣其載河南夫子之問與管范淳夫以程伯醇語陳瑩中殆一律耶廷秀此記不愧沈責矣紹熙辛亥四月既望

跋歐陽邦基勸戒別錄

淳熙甲午秋永新歐陽邦基壽卿攜書過予滔滔

益公題跋

卷之十二  
四

汲古閣

千八百言予愛嘆其才每以進脩勉之而壽卿素慕龍舒王日休之爲人讀其君戒錄及淨上文而悅之嘗著勸戒別錄求予爲序序固未暇也後十有六年奉祠來歸壽卿之錄益詳凡經史百家所記與夫近世士大夫善言善行皆聚而筆之析爲三卷總十五門又刻鉏惡種德篇及勸修西方淨業文散施于人惟恐聞者不信傳之不廣視日休益鴻雁行也連歲踵門伸前請予曰如子之志

充棟宇汗馬牛且不能盡曾是三卷安得謂之成書以要言之諸惡莫作衆善奉行兩言足矣上士固不待勸中士必知所擇下士或思戒焉彼誨諄諄而聽藐藐者非所計也壽卿請題其後不復求序云紹熙二年四月二十六日

書安福劉德禮家紫芝詩卷

安福劉君德禮暨諸弟皆以文行稱于鄉淳熙丁未冬葬其母大安人紫芝產墳再明年又生邑人

益公題跋

卷之十二  
五

汲古閣

賦詩記之以予嘗與其先人同預鄉舉來求一言予不暇遠稽方冊姑用本縣故事爲證晉安福令歐陽萬五世孫彬實文忠公之曾祖歷仕南京家于安福性至孝兄弟相友愛有紫芝一莖兩葩生于楹鄉人以爲孝德所感爲著賦頌享年九十四累贈太師中書令後裔仕官不絕今劉氏兄弟孝友競爽天應兆矣積善不已則顯親揚名何患不歐陽氏乎天人不同尚其勉旃紹熙辛亥四月二

十九日

豐城府君便山處士唱酬詩卷

六一先生送佛者慧勤三章雖極道山中之樂而謂不可久者蓋惜其才之甚良自棄于無庸欲反之正耳若豐城府君非服胡而顛童也既有妻兒之團圞又有酒果蔬薪足伏臘雲泉松竹娛耳目且與便山處士爲隣朝夕唱酬是真得山中之樂者使六一先生見之必將勸其可以久豈復遲子益公題跋

卷之十二  
六

汲古閣

之返耶

題陸先生赴省詩卷

紹興庚申伯文寓穎川招上庠舊同舍太和陸先生

字修

居館下命子姪輩從其學辛酉冬辭赴春闈

此送行詩卷也時初得雩都羅愷教授所傳駱賓王善本七兄戲效其體作序頃刻而成託名尚親長道詩則尚自爲之第二篇仍大兄所賦以上惡札皆子筆也第三篇大兄作仍代書焉第四第五

篇七兄與予自賦自書第六篇十弟第七篇李親  
及之詩并字亦出予手當是時長道年二十有五  
大兄遞少一歲及之年十有九七兄年十七予年  
十六十弟又少二歲今五十年矣中間陸氏子以  
元本相遺畱寘篋中紹熙辛亥五月二十五日因  
暴故書覽之太息蓋長道大兄十弟墓檟森然惟  
予與二兄七兄白首相從而及之猶居顛云某題

題山谷與韓子蒼帖

益公題跋

卷之十二  
七

汲古閣

士大夫少負軼材其詩章固已超絕然須經前輩  
題品乃自信不疑正如叅禪雖有所得猶藉宗師  
之印可耳陵陽先生蚤以詩鳴蘇黃門一見比之  
儲光羲暨與徐東湖遊遂受知于山谷晚年或寘  
之江西詩社乃曰我自學古人豈所謂魯一變至  
于道耶紹熙辛亥八月一日

跋韓子蒼詩章

陵陽先生詩草友人陸務觀既刻石臨川又爲跋

語不容復措辭矣先生諸孫藉攜以相示爲之一  
唱三嘆最後贈張景方一篇由今觀之殆夫子自  
道也尙半存僅勉燔六字印本互易之比藁爲勝  
務觀謂未必皆定本諒哉藉其善守之紹熙辛亥  
八月一日

跋杜祁公詩

右杜祁公酬九華吳殿院鼠鬚筆古律詩各一篇  
吳名宗復字仲庶至和甲午秋自殿中侍御史因  
益公題跋

卷之十二  
八

汲古閣

論大臣出倅虔州未至改守池陽乙未冬復入臺  
公詩作于此歲時年七十有八又二年而薨實錄  
本傳云晚年喜爲草書而歐陽公亦云言無俗韻  
精而勁筆有神鋒老更奇皆紀實也蔣公穎叔心  
慕手追跋語數十字蓋得其髣髴云先是淳熙初  
元公四世孫立道已刻石祁陽今其弟新會昌宰  
至道復示真蹟敬推歲月題其後紹興二年歲次  
辛亥八月六日

題胡邦衡講筵詩卷

中興以來侍從百司燕饋之費率取辦于臨安每歲經筵開講讀及脩注官會于學士院府吏治具以爲常住講亦如之紹興壬午壽皇初卽位力脩節用裕民之政守臣趙子瀟因條具異時雜費悉罷之歲省緡錢一二十萬歸之朝廷講會其一也是年秋洪遵景嚴以翰林承旨兼侍讀某時爲起居郎與洪議用學士院餐錢置酒五行以母廢故

益公題跋

卷之十一  
九

汲古閣

事後遂爲例逮乾道庚寅秋葢九年矣某以祕書少監兼直翰苑旣費自我出則與院官鄭仲益侍郎同約客而以非經筵官不赴坐此忠簡胡公見懷之詩所爲作也今二十年眞蹟尚藏予家因公姪濟以予和篇紙弊墨渝來求別書併取原詩畀之然當時忠簡公弟見僕帳假之臨安遂云肆筵甚盛不知事始于此其後壽皇復以所省緡錢歸臨安于是燕饋如故惟講會學士院仍自爲之葢

其費初無多爾明年某遷禮部侍郎既仍舊直又兼侍講復增三勸爲半日之款至今不廢云此卷唱酬凡九人惟某與趙子直尚存可爲永嘆紹熙辛亥十月二十五日益國公周某書

題趙鑑堂快閣詩

鑑堂趙公和山谷太和快閣詩詞翰殆可相亞當時刻石邑中至今猶存又嘗錄小字本寄其弟湖州使君豈平生得意句耶湖州孫師真寶藏不益公題跋  
卷之十二  
十  
汲古閣  
敢失墜來宰太和旣重脩此閣盍併刻此詩如顏魯麻姑壇記不妨大小字俱傳也紹熙二年十一月二十四日題于長沙淳古堂

題方季申所刻歐陽文忠公集古跋

通天下郡邑凡賢傑之鄉與其宦游之地往往揭名公字繪象以事非獨誇耀今筭亦惟高山仰止景行行止期有補于將來歐陽文忠公文章事業師表百世佛者惠勤尚能于公平筭不到之地以

六一名其泉廬陵公父母邦也而夢奠兩甲子祠  
堂僅列于學宮歷刺史不知幾人芝草雙蓮何物  
草木乃得記瑞名堂獨于公置而弗及此何理也  
無乃謂公生于綿長于隨仕于朝家于穎雖中間  
葬母一至永豐則又凶服不入公門遂相忘于道  
術歟紹熙元年太守莆陽方侯寔來首創六一堂  
祀公其上以備闕典復訪求集古跋真蹟擇良工  
摹刻之日聚月哀旁搜遠取凡得二百五十餘篇  
益公題跋

卷之十一

汲古閣

以校印本其未獲者才百餘篇指授點畫殆類親  
筆非石刻比也會徙節廣東猶捐俸攜工以竟斯  
事其用力至矣管韓文公以六經之文倡于唐而  
其遺書初因公大顯厥後遂以六經之文鳴于宋  
蓋傳道之宗在焉今侯篤志韓集箋校討論殆四  
十年傳錄無慮數百家然後定著善本旣牧廬陵  
復尊事公于故鄉以風厲學者其有補于斯文豈  
少哉書來俾之掛名卷末不得而辭也三年二月

七日周某書

書東坡宜興事

菩薩蠻

買田陽羨吾將老從初只爲溪山好來往一虛  
舟聊從造物游有書仍懶著且謾歌歸去筋力  
不辭詩要須風雨時

滿庭芳

余居黃五年將赴臨汝作滿庭芳一篇別黃州

益公題跋

卷之十二  
十二

汲古閣

既至南都蒙恩放歸陽羨復作一篇

歸去來兮清溪無底上有千仞嵒晝樓東畔  
天遠夕陽多老去君恩未報空回首彈鋏悲歌  
船頭轉長風萬里歸馬注平坡無何何處是銀  
潢盡處天女停梭問何事人間久戲風波顧謂  
回來稚子應爛汝腰下長柯青衫破羣仙笑我  
千縷掛漁簑

陶淵明詩

丈夫志四海我願不如老親戚  
一處子孫遠相保觴絃肆朝夕  
尊中酒不燥緩帶盡歡娛  
起晚眠常早孰若當世士  
氷炭滿懷抱百年歸丘壠  
用此空名道元豐七年十月二日宜興舟中寫東坡居士

楚頌帖

吾來陽羨船入荆溪意思豁然如愜平生之欲  
逝將歸老殆是前緣王逸少云我卒當以樂死

益公題跋

卷之十二  
十三

汲古閣

殆非虛語吾性好種植能手自接果木尤好栽  
橘陽羨在洞庭上枏橘栽至易得當買一小園  
種枏橘三百本屈原作橘頌吾園若成當作一  
亭名之曰楚頌元豐七年十月二日書

宜興主簿朱冠卿續編本縣圖經載東坡  
四事

黃土去縣五十五里東坡與單秀才步田至焉  
地主以酒見餉謂坡曰此紅友也坡言此人知

有紅友而不知有黃封真快活人邑人舊傳此  
帖今亾

長橋元豐元年火焚四年宰邑褚理復立榜曰  
欣濟未幾東坡過邑爲書曰晉周孝侯斬蛟之  
橋刻石道傍崇寧禁錮沈石水中

東坡初買田黃土村田主有曹姓者鬻而造訟  
有司已察而斥之東坡移牒以田歸之

邑人慕容輝嗜酒好吟不務進取家于城南所  
益公題跋

卷之十二  
十四

汲古閣

居有雙楠並植如蓋東坡訪之目爲雙楠居士  
王平甫亦寄以詩

某自紹興癸酉迄淳熙己酉三十七年之間凡六  
至宜興屢欲考東坡在此月日而未暇也今者避  
暑杜門因覩楚頌帖略哀遺跡如右七月二日東  
里周某題

蘇文忠公以元豐七年量移汝海四月離黃州五  
月訪文定公于筠七八月之交畱連金陵遂

州度九月間抵宜興聞通真觀側郭知訓提舉宅  
卽卻所館不知凡畱幾日也今觀楚頌帖及公曾  
孫季真所藏淵明丈夫志四海皆題十月二日又  
云宜興舟中寫計畱宜興不過旬餘復回郡城自  
此復趨汝州過泗遇歲除八年正月四日乃行道  
中上書乞歸常三月六日至南京被旨從所請回  
次維揚又歸宜興畱題竹西三絕蓋五月一日也  
同孟震遊常州僧舍詩湛湛清池五月寒而謝表

益公題跋

卷之十二  
十五

汲古閣

謂今月二十二日到常州訖其爲五月無疑是月  
被命復朝奉郎起守文登次韻賈耘老云東來六  
月井無水仰看古堰橫奔牛七月二十五日與杜  
介遇于潤之金山贈以古詩八月二十八日復贈  
竹西無擇長老絕句則在道日月歷歷可考其冬  
到郡五日而召自此出入侍從以及南遷逮靖國  
辛巳北歸竟薨于常不暇踐種橘之約矣其性今  
藏寓客董伯揀家董氏世爲東秦名儒曾祖暨大

父在高皇時繼掌外制士林榮之伯揀亦篤學嗜古能濟其美者也

公熙寧中倅杭沿檄常潤間賦詩云惠泉山下土如濡陽羨溪頭米勝珠又有買牛欲老地偏俗儉之語卜居蓋權輿于此滿庭芳詞作于元豐八年初許自便之時公雖以五月再到常州尋赴登守未必再至陽羨也軍中謂壯士馳駿馬下峻坂爲注坡詞云船頭轉長風萬里歸馬注平坡蓋喻歸益公題跋

卷之十二  
十六

汲古閣

興之快如此印本誤以注爲駐今邑中大族邵氏園臨水有天遠堂最爲奇觀取名于此詞云

元祐八年五月十九日任禮部尚書辨御史黃慶基論買田事云責黃州日買得宜興姓曹人一契田段因其爭訟無理轉運使已差官斷遣不欲與小人爭利許其將兌價收贖今公之曾孫猶食此田豈曹氏理屈不復贖耶抑當時所置不止此也三年前寓陽羨嘗考坡公到邑歲月書于楚頌帖

之後茲來長沙值二別乘皆賢而文南廳張唐英  
毗陵人北廳蘇仲嚴則文定四世孫也復書以遺  
之紹熙壬子五月一日重題

題權邦彥草書舞劍器行

樞密權公進士起家當靖康擾攘偕宗澤邀擊金  
虜功雖不成斯亦壯矣續以智略被遇高廟紹興  
初由兵書踐西府未滿歲薨于位不及有所設施  
今觀草書杜工部舞劍器行龍蛇飛動得顛張醉

益公題跋

卷之十二  
十七

汲古閣

素之遺意前輩文武自將不各一善大率類此後  
題庚戌中元蓋年五十有一辭起復發運使時所  
書風塵瀕洞王室昏殆有感云紹熙壬子七月二  
十一日

題張無垢手書

永嘉陳求仁同僚期月端方篤實相助爲多臨行  
出無垢張公與其先君子手書二十幅乃知父師  
淵源有自來矣其云大學一篇學者入聖域衢路

又云聞見所得不如踐履之深又云接事遇物于不可意處試吾所得此最親切者又云閉目前視六十以前已行是非自進自退亦一快也凡是四端所以脩身所以誨人周禮盡在魯矣尺牘云乎哉後有汪山一帖蓋守東陽時也紹熙壬子八月十日

題吉水宰臧孫邑計錄

不曾與

廬陵民煩賦重調守甚艱而支邑號吉水者地當益公題跋

卷之十二  
十八

汲古閣

孔道爲令尤艱緩則政弛急則訟興不以計免輒以罪去吏部南曹榜闕于門選人過之側睨不敢就淳熙末部以闕上省時予當軸故識修職郎陳臧孫以其脩身知其能治人以其篤學知其能勤民乃奏而授之或譏朝廷不當除令予笑曰開元盛時明皇親策縣令于宣政殿擢韋濟宰醴泉令倉庫門尹吏至卑者皆得進擬守令同號民之師帥乃反不可況堂除大縣中興自有定制耶或者

乃已明年予罷政歸田里過其邑則民愛之吏畏之與時人情窘迫煎熬之態雍容愉怡矣官府摧敗荒廢之餘葺治嚴整矣部使者交薦于上士農工商爭舉畱于下予喜問臧孫何術致此耶徐示邑計簿一編則凡二稅雜征財用出納皆推求源流考正名色區分件別隨事登載且謂予曰朝廷何嘗加賦于民民何嘗不輸賦于官身不正則吏姦肆治不勤則事失序當取而不取不當取而征焉此之不察一取成于吏手富家日富貧民日貧無惑乎督責紛然于鞭笞日及于下也當是時顧歸咎于賦重而人頑不亦悖乎臧孫請予題其後以告來者予曰良將不學孫吳自足取勝若讀兵書而未悟反足致敗名醫治病在意不在藥彼庸夫淺識輕用古方則雖參苓不必愈疾人存政舉自有活法此何爲者遂不果作臧孫代去旣數月邑之秀士來言曰吏鮮去思久矣今于陳君其庶

益公題跋

卷之十二  
十九

汲古閣

幾焉將刊計錄願求一言乃爲詳記舊說以慰邑  
人之心紹熙三年九月十九日

題楊文卿芾詩卷

吉水楊公詩句典實可以觀學問之富字畫清壯  
可以知氣節之高仕不于其身必利其嗣人今祕  
書監廷秀其子也詞章壓縉紳忠鯁重朝廷零陵  
主簿長孺其孫也如花之正芳如驥之方驥詩云  
維其有之是以似之紹熙三年臘月七日

益公題跋

卷之十二  
二十

汲古閣

跋東坡帖

瀏陽丞新喻蕭君一致五世從祖潛夫元豐七年  
監盱眙倉坡公歲除前過其東軒畱題二詩蓋量  
移汝州時也按盱眙隸泗州州在淮北縣治其陰  
故都梁號淮南第一山景物清曠公旣樂之而潛  
夫諱淵蓋慕陶靖節者其人又可知矣此公所爲  
賦詩也今廬陵闌闌中有樓甚偉江山滿眼徐師  
川以堆勝名之樓舊在倉官廨中承平時監當

爲美仕廣州至號八仙故倉庾氏所居住往有登臨燕息之地名勝或遷謫而來秩高或折資而授今著令猶與本縣令序官近世勞苦卑猥無復官況撫卷爲之三嘆紹熙四年正月二十一日

跋黃魯直與蕭氏書

故河南少尹新喻蕭公諱從字從義宰分寧日山谷嘗脩桑梓之敬崇寧壬午寓武昌作此書尋謫宜州未暇卜居漢陽也後九十有一年當紹熙癸益公題跋

卷之十二  
二十一

汲古閣

丑正月二十一日少尹曾孫瀏陽丞一致以示周某謹題其後

跋南豐黃世成銘文

南豐壺隱黃君辟門蔭者二而名弗遂委家貲于季而用則匱志大學博所向落落積善爲仁乃不久生自常情觀之可謂四不幸矣雖然不輕許可如陸子靜而序之以銘老于文學如謝昌國而弔之文楊廷秀今之歐公也挽君有詩李子經鄉之

泰伯也哀君有辭兼是四者傳之後世非大幸歟  
假令君而貴而富而合而壽雖有得于身必無聞  
于久殆未可以此易彼也因其子柎不遠千里求  
跋語故書以遺之慰夫無窮之思焉君諱文晟字  
世成紹熙四年二月六日東里周某

跋壽皇御批魏杞講和時奉使奏劄

魏絳勸晉侯和諸戎狄左氏美之丞相壽春公得  
非苗裔乎何隆興和戎復出其手也雖然山戎納

益公題跋

卷之十二  
二十二

汲古閣

虎豹之皮而請盟爲力易耳公當敵師在境親冒  
矢石艱關通問然後得其要領視古爲難故晉僅  
賜金石之樂而公乃藏雲漢之章其輕重亦不侔  
矣後三十年公之子通判潭州熊夢湖南轉運司  
幹辦公事驥稱出此軸示臣周某謹題其後紹熙  
癸丑三月二十八日

跋劉忠肅丞相帖

右忠肅公晚年與張浮休尺牘其第三幅分寫四

事而繫以名更無冗語可以爲法紹熙癸丑四月  
中休公之元孫無玷無欲以示周某謹附名于後

跋三游詩

右三游詩總一百七十篇陳胃字聖予其先淮南  
人而家于衡熙寧中郡守五中和延爲石鼓山長  
時忠肅劉公自御史謫監鹽倉命與二子同游南  
岳馬上唱酬集爲三卷公親以長篇繼之詞翰俱  
美士大夫所當寶藏況其曾元乎純亦後改字斯  
益公題跋

卷之十二  
二十三

汲古閣

立衆允改字公允困于黨籍仕皆不顯聖子亦未  
嘗仕云紹熙癸丑四月二十二日周某書而歸之  
劉氏

跋盛子謙座中銘

盛公手書座中銘總二百二十字皆盛德事也以  
此訓于後人其興可必至孫文肅公被遇仁皇遂  
參大政衣冠相承迄今不墜蓋自周廣順元年距  
紹熙癸丑凡二百四十有三年立言垂範貽厥豈

無基耶八世孫文林郎新信陽軍判官求道由長沙以示郡守周某敬題卷末七月二十二日

書杜孝恭所紀王宣功伐

紹興隆興之間荆襄都統制王侯宣扞禦金賊收復唐鄧經營汝洛戰勝攻取功冠諸將予爲祕書少監每于日曆中見其所上方略後入西府與邊帥論近世名將往往推侯爲首侯旣沒兩洛帥守監司列奏軍民思宣萬口一辭最後江陵帥張猷

益公題跋

卷之十二  
二十四

汲古閣

欽夫奏乞立廟加贈諄諄數百言淳熙六年詔以節鉞告侯第非常典也其璿新賓州守杜孝恭常從侯歷行陣故能詳紀功伐丐予實其說夫舅甥親也善言溢美理或有之然日曆乃信史邊帥皆公論兩路非私請欽夫又不輕以功名許人獨稱侯有邊功且謂士卒每及侯輒咨嗟流涕如談古人嗚呼豈溢美哉爲書其後使告之太史氏孝恭亦慷慨事功其智勇可用他時當牽聯得書矣

熙癸丑八月長沙郡守周某題

題沈師傳碑

道林以四絕名堂沈居其一歲久堂壞葺而扁之  
又得沈碑于公帑移寘堂上別刻本畱郡齋紹熙  
癸丑十月旦假守周某題

題向士伯所收溫公竚瞻堂額

文潞公出入將相考四十勲業光明士民歌舞之  
其所至各堂多矣惟竚瞻本裕陵之賜詩德威因  
益公題跋

卷之十二  
二十五

汲古閣

西戎之獻馬又得司馬文正公蘇文忠公作記與  
銘故二堂猶章章在人耳目今復獲敬觀文正所  
題榜使僕生于當時雖爲之捧硯所欣慕焉紹熙  
癸丑會慶節周某書而歸之

題印山羅氏一經集

六籍火于秦易絲卜筮傳者不絕詩諷誦人口非  
專竹帛故二經獨賴以全本朝大儒歐陽公猶致  
疑于係辭則其專心致志者詩而已蓋嘗因毛鄭

箋傳爲之圖譜議者謂公平生溫柔忠厚茲有助  
焉今江西通經之士固多而詩學猶盛于廬陵印  
山羅氏又其淵藪三歲舉于鄉殆無虛榜六十年  
間父子兄弟登科第者七人如川之方增也夫經  
明必行脩豈徒解頤拾青紫而已他日采詩之官  
出觀風俗考得失使溫柔忠厚之教不在乎他邦  
非大成歟予雖老尚及見之紹熙四年十一月七  
日

益公題跋

卷之十二  
二十六

汲古閣

高宗御批錢伯言奏疏

右已酉歲二月十日錢伯言所上御舟宿頓奏後  
有高宗皇帝宸翰二十九字御押在焉蓋行在秀  
州時也初帝于是月三日壬子南渡幸鎮江府伯  
言先以龍圖閣直學士爲守至是充巡幸提點一  
行錢糧頓遞官癸丑駐蹕丹陽縣甲寅次常州乙  
卯次無錫縣丙辰次平江府丁巳少休戊午次吳  
江縣之平望己未次秀州乃批此奏今史局有自

元符庚辰至巳酉六十年間目錄或云陳壽所纂  
具載庚申發秀州次長安開辛酉次杭州實如批  
語而著作局日曆作庚申宿崇德辛酉次臨平壬  
戌抵杭則與伯言奏同未知孰是按伯言進樞密  
直學士及錢糧頓遞之命日曆皆不書後數年因  
丐叙復乃見殆搶攘中文書散逸後來省記疏畧  
爾新除祕書少監臣孫逢吉頃爲實錄院檢討官  
訪求逸事偶得此本今旣召還必將叅訂而一之  
益公題跋

卷之十二  
二十七

汲古閣

伯言蓋勳之子也紹熙癸丑冬至日少保觀文殿  
大學士判潭州軍州事充湖南路安撫使益國公  
臣周某恭書

題潭州道林寺六絕堂

唐乾符中袁浩作道林寺四絕堂記蓋指沈傅師  
裴休筆札宋之問杜甫篇章也本朝治平四年秋  
蔣之奇別爲記謂沈杜固無間言裴本學歐陽詢  
書寺幸有詢四大字當爲一絕又不應近捨韓愈

詩遠及之問其去取如此今三人詩各載集中衆  
所莫知惟袁記與裴歐字畫則不復存予旣稍葺  
其堂訪沈碑而歸之復臨閣本歐書并襄陽僧舍  
裴所作八大字併刻于石蓋歐實郡人裴嘗牧此  
俱不可廢今古今異同之論衍四爲六其在茲乎  
後數日寺僧于朽壤中得大中十一年斷際禪師  
傳心法要序字乃小楷亾其後段亦作裴筆真贋  
未可知也先是堂之題梁著馬氏五代時職位近  
益公題跋

卷之十二  
二十八

汲古閣

歲修長沙志遂謂此名創于馬氏誤矣紹熙癸丑  
十二月旦郡守周某題

先太師潭州益陽縣清修寺畱題記

靖康丁未五月一日高宗卽位改元于南京八月  
四日先公太師以前大學博士被旨使荆湖南北  
路與提點刑獄官徧行所部會計金穀事載日曆  
時年三十有六明年戊申六月由長沙歷益陽如  
武陵郡道游清修寺畱詩一篇遺長老宗元而不

著姓名因康君跋語始知大略後六十四年當紹  
熙辛亥冬某叨鎮湘楚適天子新見上帝恩及諸  
臣之家而先公已封莒鄭邠漢魏唐六國矣卽具  
奏願以此邦賜先臣履光乘傳之舊優詔從之遂  
胙潭國惟是歲月悠遠其在所部獨道州白石洞  
有八月二十五日題名蓋自湖北回長沙而過春  
陵也遺事則不可推矣他口偶爲諸邑言離騷文  
章之祖旣發端此地蓋亶古今詩文刻以傳遠使

益公題跋

卷之十二  
二十九

汲古閣

學者知源流之有自于是益陽宰黃談首摹雜碑  
數十通來此詩在焉初未知爲先公也覽之瞿然  
讀之潛然殆天誘其衷使心聲手澤久晦復彰以  
明示神靈來燕來寧之意乎夫生而將命沒而胙  
土且幸不肖之孤攝官承乏表而出之是皆宜書  
會主僧善信求叙本末敬書其後四年歲在癸丑  
十二月一日嗣子某謹記

跋劉提刑家帖

米元章詩

米南宮詞翰妙絕一世東平劉氏藏之久矣紹熙癸丑臘日周某獲觀心目爲之開明

陳大諫

右陳瑩中詞翰皆與劉斯立者曾孫無玷無欲寶藏之以示周某敬題其後紹熙癸丑臘日

宋宣獻呂汲公

劉忠肅公四世孫無玷無欲家藏宋次道呂微仲

益公題跋

卷之十二  
三十

汲古閣

四帖紹熙癸丑臘日周某敬觀

蘇黃門

右蘇文定公與劉忠肅公父子四帖紹熙癸丑臘日周某敬觀

張芝叟

張浮休與劉忠肅五帖比尋常作字極不同蓋加敬耳紹熙癸丑臘日周某謹題

劉忠肅公辨誣本末

劉子駒手書辨謗始末與蘇州烏臺詩案竝行于世足以知權臣誣陷之慘而聖祖昭雪之公也紹熙癸丑臘日周某書

跋劉炳先家五賢帖

劉君光祖昭祖兄弟自廬陵徙家長沙兩邦賢士如林王盧溪胡忠簡公劉子駒張敬夫楊廷秀又兩邦之喬木皆推其孝友或賦詩或作記或通問諄諄稱道予來假守人無間言甚可嘉也出示前益公題跋

卷之十二  
三十一

汲古閣

五賢真筆敬題其後紹熙癸丑臘月日周某

跋錢穆父

吳越錢氏子孫文章名世者無代無之穆父又以政事取知朝廷行誼見推善類尤可敬也此帖藏族孫長沙主簿選家紹熙癸丑臘日周某獲觀

跋折彥質燕社堂詩

承平時長沙郡圖燕社堂在大池中聞甚宏麗兵火不存紹熙三年二帥龍圖閣直學士折公姑葺

亭于舊基明年冬移鎮桂林畱六絕句一時膾炙  
人口後二十二年歲在乙亥直祕閣陳疇大新斯  
堂稍復舊貫而亭與詩亾矣又三十九年某從公  
之子大理正知常得別本方伐石摹勒會蒙恩改  
豫章亟刻板揭堂上使來者得覽觀焉紹熙癸丑  
臘日郡守周某題

諸家題跋多載法書名画或評詩文得失或  
辨碑銘異同間及山水幽勝處未有臚列泐

益公題跋

卷之十二  
三十二

及十閣

批劄子者周益公廼開卷紛紛無恠乎後邨  
病其洗滌詞科習氣不盡也集中凡稱述歐  
陽文忠公者居十之三併公子仲純叔弼亦  
推重不已先輩謂廬陵以文章續韓昌黎正  
統蓋以文忠与益公衣鉢單傳又皆廬陵人  
尔海隅毛晉識

益公題跋卷之十二

終

